



Broj: 20-04-43667-5/23  
Sarajevo, 21.12.2023. godine

Na osnovu člana 19. st. (1) i (2) i člana 23. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije i upravljanje kvalitetom Kantona Sarajevo donosi:

### **ODLUKU**

(1) Nakon provedenog postupka utvrđivanja postojanja sukoba interesa za Mehmedović Huseina, Ured za borbu protiv korupcije i upravljanje kvalitetom Kantona Sarajevo utvrdio je postojanje sukoba interesa za imenovanog, jer isti obavlja dvije javne funkcije, i to javnu funkciju člana Upravnog odbora JU „Institut za razvoj preduniverzitetskog obrazovanja Kantona Sarajevo“ i javnu funkciju pomoćnika direktora u JU OŠ „Musa Ćazim Ćatić“ Sarajevo, što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo.

(2) Poziva se Mehmedović Husein da podnese ostavku ili da na drugi način odstupi sa jedne nespojive javne funkcije navedene u tački (1) ove odluke, i to u roku od 30 dana od dana prijema ove odluke, te da o istom obavijesti Ured za borbu protiv korupcije i upravljanje kvalitetom Kantona Sarajevo.

### **Obrazloženje**

Ured za borbu protiv korupcije i upravljanje kvalitetom Kantona Sarajevo je zaprimio od strane fizičkog lica, 11.10.2023. godine, Zahtjev za pokretanje postupka utvrđivanja postojanja sukoba interesa, u kojem se navodi da Mehmedović Husein, istovremeno obavlja dvije javne funkcije i to javnu funkciju člana Upravnog odbora JU „Institut za razvoj preduniverzitetskog obrazovanja Kantona Sarajevo“ i javnu funkciju pomoćnika direktora u JU OŠ „Musa Ćazim Ćatić“ Sarajevo, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno. U cilju utvrđivanja tačnosti navoda iz zaprimljene prijave, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije i upravljanje kvalitetom Kantona Sarajevo je pokrenuo i proveo postupak za utvrđivanje postojanja sukoba interesa u predmetnom slučaju. Ured za borbu protiv korupcije i upravljanje kvalitetom Kantona Sarajevo je Rješenjem broj: 20-04-43667/23 od 12.10.2023. godine, pokrenuo postupak za utvrđivanje postojanja sukoba interesa za Mehmedović Huseina.

Ured za borbu protiv korupcije i upravljanje kvalitetom Kantona Sarajevo je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-04-43667-1/23 od 12.10.2023. godine, a shodno članu 16. stav (1) Zakona o prevenciji i suzbijanju

korupcije u Kantonu Sarajevo, obavijestio imenovanog o pokrenutom postupku za utvrđivanje postojanja sukoba interesa za istog, te je zatražio pismeno izjašnjenje na navode iz ove obavijesti. U prilogu akta od 12.10.2023. godine, imenovanom je dostavljeno Rješenje broj: 20-04-43667/23 od 12.10.2023. godine.

Do dana sačinjavanja ove odluke, imenovani nije dostavio Uredu za borbu protiv korupcije i upravljanje kvalitetom Kantona Sarajevo izjašnjenje na navode iz Obavijesti o pokretanju postupka za utvrđivanje postojanja sukoba interesa i zahtjev za pismeno izjašnjenje.

U cilju pravilnog odlučivanja u predmetnom slučaju, Ured za borbu protiv korupcije i upravljanje kvalitetom Kantona Sarajevo je 21.11.2023. godine uputio Zahtjev za dostavljanje informacije i dokaza, broj: 20-04-43667-2/23 od 21.11.2023. godine, JU OŠ „Musa Ćazim Ćatić“ i to u pogledu dostavljanja informacije ko trenutno obavlja javne funkcije direktora, pomoćnika/zamjenika direktora i sekretara škole u JU OŠ „Musa Ćazim Ćatić“.

Također, Ured za borbu protiv korupcije i upravljanje kvalitetom Kantona Sarajevo je 06.12.2023. godine je uputio Zahtjev za dostavljanje informacije i dokaza, broj: 20-04-43667-3/23 od 06.12.2023. godine, Ministarstvu za odgoj i obrazovanje Kantona Sarajevo i to u pogledu dostavljanja informacije ko su trenutni članovi Upravnog odbora JU „Institut za razvoj preduniverzitetskog obrazovanja Kantona Sarajevo“, kao i kopiju akta o navedenom imenovanju.

Ured za borbu protiv korupcije i upravljanje kvalitetom Kantona Sarajevo je 29.11.2023. godine zaprimio Informaciju, broj: 03-821/23 od 24.11.2023. godine, od JU OŠ „Musa Ćazim Ćatić“ u kojoj se, između ostalog, navodi da je prof. Islamske teologije Mehmedović Husein trenutni pomoćnik direktora škole.

Dalje, dana 18.12.2023. godine, Ured za borbu protiv korupcije i upravljanje kvalitetom Kantona Sarajevo je zaprimio akt, Ministarstva za odgoj i obrazovanje Kantona Sarajevo, broj: 11-04-43667-4/23 od 12.12.2023. godine, u kojem navode da je Mehmedović Husein trenutni član Upravnog odbora Javne ustanove „Institut za razvoj preduniverzitetskog obrazovanja Kantona Sarajevo“ imenovan Rješenjem Vlade Kantona Sarajevo, broj: 02-04-24215-15.2/22 od 16.06.2023. godine. U prilogu akta je dostavljeno i kopija navedenog Rješenje od 16.06.2022. godine.

Na osnovu dokumentacije koju Ured za borbu protiv korupcije i upravljanje kvalitetom Kantona Sarajevo posjeduje, utvrđeno je postojanje sukoba interesa za Mehmedović Huseina, jer imenovani istovremeno obavlja dvije javne funkcije, i to javnu funkciju člana Upravnog odbora u JU „Institut za razvoj preduniverzitetskog obrazovanja Kantona Sarajevo“ (nosilac javne funkcije shodno članu 3. stav (c) alineja 4) Zakonu o prevenciji i suzbijanju korupcije Kantona Sarajevo) i javnu funkciju pomoćnika direktora u JU OŠ „Musa Ćazim Ćatić“ Sarajevo, (nosilac javne funkcije shodno članu 3. stav (c) alineja 3) Zakonu o prevenciji i suzbijanju korupcije Kantona Sarajevo) što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo.

Nosilac javnih funkcija, Mehmedović Husein, dužan je u roku od 30 dana od dana prijema ove odluke, podnijeti ostavku ili na drugi način odstupiti sa jedne od javnih funkcija koje istovremeno obavlja i o tome pismeno obavijestiti Ured za borbu protiv korupcije i upravljanje kvalitetom Kantona Sarajevo.

Shodno navedenom, Ured za borbu protiv korupcije i upravljanje kvalitetom Kantona Sarajevo je u skladu sa članom 19. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja i obavezujuća je za nosioca javnih funkcija.

**Pouka o pravnom lijeku:** Ova odluka je konačna i protiv iste nosilac javnih funkcija može pokrenuti upravni spor.



Erduan Kafedžić

Dostaviti:

1. Imenovanom,
2. Za objavu na internet stranici Ureda za borbu protiv korupcije i upravljanje kvalitetom Kantona Sarajevo,
3. a/a.